



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აბრამაშვილი ვახტანგ გრიგოლის ძე



აბრამაშვილი ვახტანგ.

აბრამაშვილი ვახტანგ გრიგოლის ძე (1. IX. 1928, ბორჯომი, - 21. I. 1992, თბილისი), არქიტექტორი. საქართველო. დამს. არქიტექტორი (1978).

სწავლობდა თბილ. სახელმწ. სამხატვრო აკადემიაში (1948-51). დაამთავრა მოსკ. არქიტ. ინ-ტი (1956). მუშაობდა „თბილქალაქპროექტში“ (1956-63), ტიპობრივი და ექსპერ. დაპროექტების თბილ. ზონალურ სამეცნ.-კვლ. ინ-ტში (1963-72); 1972-იდან - ისევ „თბილქალაქპროექტში“ (1979-იდან იყო არქიტ. სახელოსნოს ხელმძღვანელი). ძირითადი ნამუშევრები: თბილისში - გამარჯვების (ვაკის) პარკის შადრევნები, კინოთეატრი და სხვ. (1957; ნ. ჯობაძესთან ერთად; საქართველო. ახალგაზრდობისა და

სტუდენტობის I ფესტივალის ლაურეატი), სამედიცინო აკადემიის ოტორინოლარინგოლოგიური კლინიკა (1968; თ. მახარაშვილთან და გ. მირიანაშვილთან ერთად) და ყოფ. რესპ. პოლიტგანათლების სახლი (1970; ს. მელაშვილთან, გ. მირიანაშვილთან და გ. სალუქვაძესთან ერთად; მხატვარი ზ. წერეთელი), მეტროპოლიტენის მინისქვეშა სადგურები - „ვაგბლის მოედანი“ (1965), „აკაკი წერეთლის პროსპექტი“ (1974; დ. მორბედაძესთან ერთად); ქ. მაჰაჩყალაში - სასტუმრო (1977; ო. ბაგრატიონ-მუხრანელთან, ვ. ორუსხანოვთან, ვ. სიხარულიძესთან და გ. ხიზანიშვილთან ერთად), გაგრაში - საქართველო. არქიტექტორთა კავშირის შემოქმედებითი სახლი (1980; რ. ბაირამაშვილთან და დ. მორბედაძესთან ერთად); თბილისში - საქართველო. რესპუბლიკის მინისტრთა კაბინეტის შენობა (1982; გ. მირიანაშვილთან, ლ. ჯანდიერთან ერთად;

რუსთაველის სახ. სახელმწ. პრემია, 1985), საწარმოო გაერთიანება „ისანის“ ბაგა-ბალი (1985; ნ. ბუჯიაშვილთან ერთად; საქართვე. მინისტრთა საბჭოს პრემია „ხუთწლედის მატთანე“, 1986) და სხვ.

ს. კინწურაშვილი

მ. მაისურაძე
